



SLUŽBENE NOVINE

KANTONA SARAJEVO

Godina XXVII - Broj 18

Utorak, 10. 5. 2022. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17) i člana 39. Zakona o ustanovama ("Službeni list RBiH", br. 6/92, 8/93 i 13/94), uz saglasnost sindikata ili vijeća uposlenika, Skupština Kantona Sarajevo, na 52. Radnoj sjednici održanoj dana 29.04.2022. godine, donijela je

ZAKON

O IZMJENAMA I DOPUNAMA ZAKONA O PLAĆAMA I NAKNADAMA U JAVNIM USTANOVAMA IZ OBLASTI SOCIJALNE ZAŠTITE U KANTONU SARAJEVO

Član 1.

(Izmjena člana 5.)

U Zakonu o plaćama i naknadama u javnim ustanovama iz oblasti socijalne zaštite u Kantonu Sarajevo ("Službene novine Kantona Sarajevo", broj 17/15) u članu 5. u stavu (1), broj "0,5" zamjenjuje se brojem: "0,6".

Član 2.

(Izmjena i dopuna člana 8.)

- (1) U članu 8. u stavu (1) u Tabeli, briše se dio tabele pod rednim brojem 1.
- (2) Iza stava (1) dodaje se novi stav (2) koji glasi:
"(2) Plaća direktora javne ustanove obračunava se se u skladu sa propisima koji uređuju plaće i naknade članovima organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo."

Član 3.

(Novi član 10a.)

Iza člana 10. dodaje se novi član 10a. koji glasi:

"Član 10a.

(Uvećanje plaće po osnovu otežanih uslova rada)

- (1) Poslovi u javnim ustanovama koji se obavljaju pod otežanim uslovima rada, smatraju se poslovi koje zaposlenik svakodnevno veći dio svog radnog vremena neposredno obavlja i koji zbog posebne prirode, težine i okolnosti u kojima se obavljaju, predstavljaju opasnost od

ugrožavanja života, profesionalne bolesti ili znatnog narušavanja zdravlja.

- (2) Otežani uslovi rada u smislu stava (1) ovog člana podrazumijevaju:
 - a) rad sa djecom bez roditeljskog staranja, odgojno zanemarenom djecom, odgojno zapuštenom djecom, djecom čiji je razvoj ometan porodičnim prilikama, licima sa invaliditetom i licima ometanim u fizičkom ili psihičkom razvoju, materijalno neosiguranim i za rad nesposobnim licima, starim licima bez porodičnog staranja, licima sa društveno negativnim ponašanjem, licima i porodicama u stanju socijalne potrebe kojima je uslijed posebnih okolnosti potreban odgovarajući oblik socijalne zaštite, rad sa licima izloženim zlostavljanju i nasilju u porodici i rad sa drugim kategorijama lica koji je propisan drugim zakonima, a što je u nadležnosti javne ustanove.
 - b) rad na izvršenju krivičnih sankcija, sa maloljetnim počiniocima krivičnih djela i alternativnim sankcijama rad za opće dobro na slobodi.
- (3) Zaposleniku koji obavlja poslove pod otežanim uslovima rada pripada pravo na uvećanje plaće u visini do 20% od osnovne plaće.
- (4) Uvećanje plaće iz stava (3) ovog člana obračunava se na osnovu plaće bez dijela plaće po osnovu penzijskog staža i čini sastavni dio plaće, s tim što ukoliko se osnovna plaća u skladu sa članom 5. stav (3) ovog zakona isplaćuje u iznosu od 70% prosječne plaće, zaposleniku će se izvršiti isplata osnovne plaće u navedenom postotku i navedeni postotak uvećati po osnovu otežanih uslova rada.
- (5) Radna mjesta kojima pripada pravo za uvećanje plaće po osnovu otežanih uslova rada i procenat uvećanja plaće utvrđuju se pravilnikom o radu javne ustanove, na koji saglasnost daje Ministarstvo za rad, socijalnu politiku, raseljena lica i izbjeglice Kantona Sarajevo.
- (6) Uvećanje plaće po osnovu otežanih uslova rada i uvećanje plaće iz člana 10. ovog zakona se međusobno ne isključuju."

Član 4.

(Izmjena člana 18.)

U članu 18. u stavu (1) riječ: "dvije" zamjenjuje se riječju: "tri".

Član 5.

(Izmjena člana 23.)

U nazivu Odjeljka C i u članu 23. u stavu (1), riječi: "volontere", odnosno "volonteri" zamjenjuju se riječima: "lice na stručnom osposobljavanju bez zasnivanja radnog odnosa".

Član 6.

(Usklađivanje pravilnika o radu)

- (1) Direktor javne ustanove dužan je dati prijedlog upravnom odboru javne ustanove da se pravilnik o radu javne ustanove uskladi sa ovim zakonom u roku od 30 dana od dana stupanja na snagu ovog zakona.
- (2) U prilogu pravilnika o radu koji se dostavlja na saglasnost Ministarstvu, javna ustanova je obavezna priložiti obrazloženje razloga zašto se pojedino radno mjesto smatra radnim mjestom na kojem se obavljaju poslovi sa otežanim uslovima rada.

Član 7.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo", a primjenjuje se od prvog narednog mjeseca nakon njegovog stupanja na snagu.

Broj 01-02-18552/22
29. aprila 2022. godine
Sarajevo

Predsjedavajući
Skupštine Kantona Sarajevo
Elvedin Okerić, s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na 52. Radnoj sjednici održanoj dana 29.04. 2022. godine donijela je

ZAKON

**O POSEBNIM PROGRAMIMA KANTONA SARAJEVO
ZA MEMORIJALIZACIJU GENOCIDA, PODRŠKU
POVRATKU I RAZVOJU SREBRENICE, POMOĆI
ŽRTVAMA I PORODICAMA ŽRTAVA GENOCIDA
NAD BOŠNJACIMA ZAŠTIĆENE ZONE UN
"SREBRENICA"**

I – OPĆE ODREDBE

Član 1.

(Predmet)

Zakonom o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN "Srebrenica" (u daljem tekstu: zakon) se uređuju mjere Vlade Kantona Sarajevo (u daljem tekstu: Vlada) za usmjerene aktivnosti za održivi povratak, razvojne projekte i obnovu u jedinici lokalne samouprave Srebrenica, mjere podrške aktivnostima istraživanja i obilježavanja genocida u Srebrenici i mjere podsticaja i podrške žrtvama genocida i porodicama žrtava genocida nad Bošnjacima zaštićene zone UN "Srebrenica", licima sa prijavljenim prebivalištem na području opštine Srebrenica, izbjeglim, raseljenim licima, povratnicima, te licima koja su se vratila sa područja Kantona Sarajevo na područje jedinice lokalne samouprave Srebrenica od strane institucija Kantona Sarajevo i njihovim potomcima.

Član 2.

(Poseban interes i značaj za Kanton Sarajevo)

- (1) Posebni programi podrške uređeni ovim zakonom predstavljaju aktivnosti od posebnog interesa za Kanton Sarajevo u svrhu doprinosa i odgovornosti Kantona za provedbu Aneksa VII Općeg okvirnog sporazuma za mir u BiH (Sporazum o povratku izbjeglica i raseljenih osoba).
- (2) Vlada je dužna posebne programe podrške uređene ovim zakonom učiniti prioritetom prilikom planiranja aktivnosti.

Član 3.

(Zaštita prava i zabrana ograničenja)

- (1) Ovim zakonom se ne može uskratiti ostvarivanje prava izbjeglih, raseljenih lica, povratnika, lica sa prijavljenim prebivalištem u Srebrenici, žrtava i porodica žrtava genocida nad Bošnjacima zaštićene zone UN-a "Srebrenica", a koja ostvaruju po osnovu drugih važećih zakona.
- (2) Ovim zakonom se ne može ograničiti podrška aktivnostima vezanim za povratak u Srebrenicu, ekonomski razvoj Srebrenice, memorijalizacije genocida, podrške žrtvama i porodicama žrtava genocida nad Bošnjacima zaštićene zone UN-a "Srebrenica", a koju institucije Kantona Sarajevo provode u sklopu svojih drugih redovnih aktivnosti ili po osnovu odluka i javnih poziva koje omogućavaju pristup sredstvima druge namjene.

Član 4.

(Pojmovi vezani za primjenu)

- (1) Genocid u Srebrenici, u smislu ovog zakona, predstavlja zločine počinjene nad Bošnjacima zaštićene zone UN-a "Srebrenica" od jula 1995. godine na području zaštićene zone "Srebrenica", definisane u pravomoćnim presudama Međunarodnog suda pravde, Međunarodnog krivičnog suda za bivšu Jugoslaviju, Suda Bosne i Hercegovine na širem području regije istočna Bosna, kao i na pravcu progona "Marša smrti".
- (2) Jedinicom lokalne samouprave Srebrenica, u smislu ovog zakona, smatrat će se teritorija današnje opštine Srebrenica u bosanskohercegovačkom entitetu Republika Srpska.
- (3) Regija istočna Bosna, u smislu ovog zakona, smatrat će se teritorija današnjih opština Srebrenica, Bratunac, Milići, Vlasenica, Han Pijesak, Sokolac, Zvornik, Osmaci, Višegrad, Rogatica u bosanskohercegovačkom entitetu Republika Srpska.

Član 5.

(Status lica)

- (1) Žrtve genocida, u smislu ovog zakona, su sva lica koja su ubijena ili su nestala u genocidu, kao i lica koja su prognana, transportovana i/ili deportovana sa područja zaštićene zone Ujedinjenih nacija "Srebrenica" od jula 1995. godine do potpisivanja Općeg okvirnog Sporazuma za mir u Bosni i Hercegovini.
- (2) Porodicama žrtava genocida u Srebrenici, u smislu ovog zakona, smatraju se roditelji/staratelji, dijete, suprženik, brat/sestra, djed/nana, unuk ubijenog, nestalog ili prognanog lica sa područja zaštićene zone UN-a "Srebrenica" od jula 1995. godine do potpisivanja Općeg okvirnog Sporazuma za mir u Bosni i Hercegovini.
- (3) Izbjeglica sa područja jedinice lokalne samouprave Srebrenica u smislu ovog zakona je državljanin Bosne i Hercegovine koji se nalazi izvan BiH, a koji je zbog sukoba prognan sa svog prebivališta ili je napustio svoje